

釋迦如來應化事蹟

四

釋迦如來應化事蹟

第四卷

生活·讀書·新知三聯書店

(京)新登字 007 号

釋迦如來應化事蹟

一函四卷

生活·讀書·新知三聯書店出版發行

北京朝陽門內大街一六六號

浙江富陽古籍印刷廠制版印刷

新華書店經銷

一九九七年十一月第一版第二次印刷


ISBN7-108-00130-6/J·58

定價：叁佰陸拾圓

責任編輯裝幀設計：寧成春

法華妙典

蓮華經云佛住耑崛山與比丘比丘菩薩釋提桓因大梵天王四大天王天龍八部與韋提希子阿闍世王等百千眷屬俱爾時世尊入於無量義處三昧天雨寶花六種震動放眉間白毫相光普照世界從三昧而起告舍利弗諸佛世尊唯以一大事因緣故出現於世欲令衆生開示悟入佛之知見故說此一乘妙法授諸聲聞記如是妙法諸佛如來時一說之如優曇花時一現耳先示化城之權終與髻珠之秘雖三車異駕而一雨普滋皆令自知決定作佛說是經時多寶佛塔從地涌出十方諸佛集會證明六萬恒河沙等菩薩及其眷屬護持流布持經隨喜有六根清淨等無量功德若夫入旋陀羅尼諸三昧者見靈山法會儼然佛常住不滅證悟者自知非思議境界矣天台智者大師證旋陀羅尼三昧九旬談妙受持之盛無出此經




法華妙典

法傳迦葉

指月錄云世尊夜靈山會上拈花示衆是時衆皆默然唯大迦葉尊者破顏微笑世尊曰吾有正法眼藏涅槃妙心實相無相微妙法門不立文字教外別傳付囑摩訶迦葉世尊至多子塔前命摩訶迦葉分座令坐以僧伽黎圍之遂告曰吾以正法眼藏密付於汝汝當護持并勅阿難副貳傳化無令斷絕而說偈曰法本法無法無法亦法今付無法時法法何曾法爾時世尊說此偈已復告迦葉吾將金縷僧伽黎衣傳付於汝轉授補處至慈氏佛出世勿令朽壞迦葉聞偈頭面禮足曰善哉善哉我當依勅恭順佛故


法傳迦葉



輝
二

飯王得病

淨飯王泥洹經云爾時淨飯王忽被重病身中四大同時俱作殘害其身肢節欲解喘息不定將死不久告諸王曰我命雖逝不以為苦但恨不見我子悉達次子難陀復恨不見斛飯王子阿難陀孫子羅睺吾設得見是諸子等我病雖篤未離生死不以為苦白飯王語淨飯王言我聞世尊在王舍城耆闍崛山中去此懸遠二千餘里王今轉羸設遣使者道路懸遠懼恐遲晚無所加益惟願大王莫大愁悒懸念諸子淨飯王荅白飯王言我子等輩雖復遼遠意望不斷我子成佛以大慈悲恆以神通天眼徹視天耳洞聽救接衆生應可度者以慈愍心而度脫之譬如有人為賊所圍或值怨敵惶怖失計不望自濟惟求救護依有勢者欲從救護而求解脫譬如有人時得重病欲得良醫以療其疾如我今日望見世尊亦復如是




飯王得病

佛還覲父

淨飯王泥洹經云爾時世尊在靈鷲山天耳遙聞迦維羅城中父王病卧命欲將終渴仰欲見諸子佛與難陀阿難羅睺等即以神足踊身虛空須臾而至迦維羅衛放大光明光照王身患苦得安佛與難陀等乘空來至佛便入宮王見佛到王舉兩手而言惟願如來手摩我身令我得安為病所困痛不可忍我命將逝我今見子痛苦即除復言汝願已成就亦滿衆生願我今得重病願汝度我厄佛言惟願父王莫復愁憂即以手著父王額上命雖欲終自可寬意王即以手捉於佛手著於心上白言我今見汝我願已滿心意踊悅從是卧別如來至尊多所利益其有得見聞所說者此輩之等皆是有相大功德人今日世尊是我之子接遇過多不相見棄是時父王即於卧處合掌心禮世尊足下時佛手掌在王心上無常對至命盡氣絕忽就後世

佛還觀父




輝
四

殯送父王

淨飯王泥洹經云爾時淨飯王命盡氣絕時諸釋子以衆香水洗浴王身纏細白氎而以棺斂爾時世尊念當來世人民凶暴不報父母養育之恩為不孝之者為是當來衆生之等設禮法故如來躬身自欲擔於父王之棺時四天王俱來赴喪長跪白佛願聽我等擡父王棺佛即許之四天王各變人形像以手擎棺擡於肩上舉國人民莫不啼哭如來躬身手執香爐在棺前行出詣葬所佛與人衆共積香薪舉棺置上放火焚之一切大衆益更悲哭於是世尊告大衆曰世皆無常苦空無我無有堅固如幻如化如熱如焰如水中月命不久居汝等諸人當勤精進而自勸勉永離生死乃得大安舉火焚燒大王身已爾時諸王各各皆持五百瓶香水以用滅火火滅之後競共收骨盛置金函即於其上便共起塔懸繒幡蓋及種種鈴供養塔廟


殯送父王



輝
五

釋種酬債


長阿含經波斯匿王欲娶釋種女摩訶男畏其暴惡以婢生女
嚴飾送往遂立為夫人後生太子名曰流離八歲詣外家值新
起講堂莊嚴請佛流離私坐師子之座釋種捉下撲地共罵婢
生之物時流離懷恨令好苦梵志識之後流離立即率兵往滅
釋種遇佛坐枯樹下相語有感而還俄復進兵佛告目連釋種
宿緣已熟今當受報諸釋逆流離於一由旬中遙射不令傷害
流離感此慈心復欲還師梵志白王釋種持戒不傷生命宜速
進雪辱會釋種童子奢摩大敗流離殺人甚衆釋種因其殺生
故令去國恐多殺戮即開城門流離遂盡殺釋種人民刑五百
釋女手足著坑中又殺祇陀太子時佛告諸比丘祇陀與釋種
皆生天上流離七日後當滅流離聞之大恐數至七日頭乃喜
率衆往詣阿脂羅河側娛樂忽風雨大作王及兵衆皆雷震水
漂命終墮阿鼻獄城內宮殿悉被焚燒



為母說法

摩訶摩耶經云佛在忉利天歡喜園中波利質多羅樹下三月安居如來結跏趺坐放百千光明光中有千蓮花有千化佛日月星辰所有威光隱蔽不現佛告文殊師利汝詣母所道我在此佛母聞已乳自流出猶白蓮花而直入於如來口中如來見母內懷忻敬而白母言身所經處與苦樂俱當脩涅槃永離苦樂佛母聞已專精正念諸結消伏而白佛言一切衆生在於五道皆由煩惱過患所致故有結縛不得自在願我來世得成正覺當為一切斷此苦本佛言衆生所以不得解脫皆由貪欲嗔恚愚癡致令恒在生死乃至欲求生天亦難何況希望離生死耶在世失好名稱朋友親屬皆共疎棄臨命終時極大懼怖神識恍惚方自悔責如此皆由三毒患故若人欲求解脫妙果宜斷苦本彼愚癡凡夫為結所纏時會大衆聞此語已悲號懊惱

為母說法



輝
七